



UNIVERSITÄTS-
BIBLIOTHEK
PADERBORN

**Principia Juris Canonici : Ex Libro ... Decretalium Gregorii
IX. Pontificis M / Antehac In Alma & Archi-Episcopali
Benedictina Universitate Salisburgensi**

König, Robert

Salisburgi, 1725

VD18 80460518

38. De Procuratoribus.

[urn:nbn:de:hbz:466:1-61781](#)

26. II. Advocatus litem susceptam nequit deserere, & pro adversa parte meliorem forsitan causam habente postulare. *l. 13. f. 9. C. de Judiciis.* adhibita tamen distinctione: vel enim prior causa ex postfacto advocato apparet manifestè injusta, & falsa, ita ut eam tutâ conscientia fovere amplius non possit: vel est justa & probabilis? Priori casu variare potest: quia obligatio nata nulla est, tanquam de re illicita: nec propterea, quod ab initio suscepit causam, quam tunc putavit esse justam, debet esse deterioris conditionis, quam aliis, qui alterius causæ patrocinium suscipere possunt. Insuper bonum publicum exigit veritatem manifestari, ut justum judicium ferri queat. *Posteriori* verò casu probabilem causam semel susceptam amplius deserere non potest invita illa parte: ex pacto enim, vel quasi contractu se se ad id obligasse censemur: & prævaricatio est, quando advocatus causam clientis prodit, colludendo cum adversario. *l. 1. ff. de Prævaricat.* Quod autem quidam permittant advocato ob non solutum salarium transire ad partem adversam, secundum illud Poëtae. *ibidem, ubi plurima merces:* ea non JCTi, sed proditoris sententia videtur.

27. III. Advocatus potest petere, & recipere justum salarium. Ubi refert: an hoc stipendum seu salarium à lege, aut consuetudine taxatum sit, vel non? Si primum, certum est, quod majus recipere nequeat, nisi fortè liberaliter donetur: quia quivis tenetur legere justè taxantem pretium servare. Si secundum, tunc tantum recipere potest, quantum habitâ ratione laboris, dignitatis, scientiæ, & difficultatis causæ arbitrio prudentis viri videbitur, non ultra. Imò gratis tenetur, non quidem ex justitia, sed ex misericordia operam suam impendere, & advolare pro pauperibus, saltem suæ civitatis, ut supponitur ex D. Thom. *2. 2. q. 71. a. 1. cum Azor. p. 3. l. 13. c. 29.*

IV. Clericus, qui contra Ecclesiam, à qua beneficium habet, advocat, tanquam ingratus beneficio privatur. *c. fin. h. t. & ibi DD.*

TITULUS XXXVIII.

De Procuratoribus.

SUMMARIA.

1. *Procurator qualiter differat ab Advocato?*
2. *Procuratoris definitio.* 3. *Uisque 7. & divisa.*
7. *Uisque 16. Quinam constitutre.* 16. *Uique 17. Quinam constitutus possint procuratores?*
24. *Ad quae negotia, & causas procuratoris constitutuere liceat?*
26. *Procurator sine mandato non admittitur.*
27. *& seqq. De obligatione, officio, & potestate Procuratoris.*

Secundo in judicio agere possumus per Procuratorem; qui differt ab Advocato, tum quod ipse mandato, iste precibus constitutur. *l. 1. ff. h. t.* tum quod procuratoris officium ut privatum & vile, advocati nobile & publicum. *l. 2. ff. de R. F.* tum quod Procurator lite contestata fiat dominus litis. *l. 22. f. b. t.* non item Advocatus. Verum hodiernis moribus Advocati & Procuratoris Officium coaluit, ut jam idem sit in judicio advocatus & Procurator, præsertim in Camera. *Gail. obs. 44. n. 8.*

§. I.

Definitur Procurator in genere, quod sive ille, qui aliena negotia mandato domini administrat. d. l. 1. pr. ff. h. t.

§. II.

Dividitur Procurator I. in generalem, & specialem. Generalis est, cui universorum negotiorum, seu omnium rerum administrationis committitur. Specialis, cui negotium unum vel plura, certa tamen, & determinata nominatim sunt mandata.

Procurator generalis subdividitur in eum, qui constitutus est cum libera, & in illum, qui con-

constitutus est sine libera. Constitutus cum libera dicitur, cui non solum omnium bonorum administratio, sed plena quoque ac libera potestas bona ista administrandi commissa est, prout ipsi Domino res suas administrare licet: unde talis Procurator etiam potest alienare, & ea omnia perficere, quæ mandatum speciale cæteroquin exposcunt arg. l. 58. & 59. f. b. t. c. 4. Eod. in 6. Procurator verò sine libera appellatur is, cui quidem & ipsi universorum bonorum administratio concessa est, sed non libera administratio & plena potestas omnia prorsus agendi, quæ agere potest dominus: unde talis nequit alienare, nisi fructus & res, quæ facile corrupti possunt. l. 63. ff. Eod.

II. Dividitur Procurator in judiciale, qui Procurator ad lites; & extrajudiciale, qui Procurator ad negotia salutatur. Ille litem mandato Domini gerendam suscipit: Iste extrajudicia negoia mandato Domini cutat.

6 Procurator judicialis (de quo potissimum hoc tit.) iterum vel est in rem propriam, vel in rem alienam. Procurator in rem alienam nuncupatur, qui litem eâ intentione gerit, ut emolumentum ad mandantem redeat. In rem suam verò; qui litem alienam in commodum proprium administrat, sive cui actio ex titulo, ad transferendum dominium habili, cessa est; Talis est, qui aliquam obligationem vel debitum emit, aut quoquo modo sibi comparavit, quod deinde in judicio pro se exigere possit. l. 34. ff. b. t.

§. III.

7 Causa efficiens Procuratoris est consensus constituentis & constituti: quia ut nemo regulariter procuratorem constituere cogitur, ita nec quis invitus Procuratoris officium, utpote privatum, subire compellitur. c. 7. b. t. in 6. l. 8. f. 1. ff. Eod. In Camera tamen, ubi ordinarios habent Procuratores, inviti pro re

nata adigi possunt ad subeundum tale munus, nisi quis procuratæ in genere renuntiare velit; dum scilicet hoc negotium ipsis est quasi publicum. Mynsing. cent. 4. obs. 32. Sed

Quares I. Quinam Procuratorem consti- 8 tuere possint? q. Omnes & soli rerum, de quibus agitur, domini, in quantum liberam habent earundem administrationem, se sé- que obligare possunt. Et ideo l. in judicio 9 absque Tutoris vel Curatoris autoritate vel consensu non possunt sibi constituere procu- ratorem pupillus; minor, & prodigus. l. i. t. Cod. h. tit. Si tamen à minore datus procu- rator sententiam pro minore obtinuerit, ea- tenebit. l. 14. C. eod. II. Filius fam. non aliast 10 recte constituit procuratorem, nisi in iis cau- sis, in quibus potest agere. l. 8. ff. h. tit. III. Servus prohibetur dare procuratorem, nisi de 11 statu suo litiget, hoc est, pro libertate asseren- da. l. 33. f. 1. ff. eod. IV. Excommunicatus 12 nequit agere per Procuratorem, ne commu- nicare quis cum eo cogatur. cap. fin. b. t. Ad defendendum se verò, & potest, & debet 13 constituere; potest: quia cum defensio sit juris naturalis, excommunicatione non dene- gatur: debet, quia alioquin ex suo delicto commodum reportaret, nempe ne durante excommunicatione conveniri possit. V. An- 14 te litem contestatam actorem solum, non Procuratorem constituere possunt Tutor, Curator, aut Syndicus Universitatis; lite verò contestatâ ii etiam Procuratorem dare permittuntur: quia tunc fiunt domini litis. l. 11. C. h. t.

VI. Excipiuntur Prælati, qui in bonis commu- 14 nibus, licet eorum domini non sint, sed tan- tum administrationem habeant, constituunt Procuratorem etiam ante litem contestatam, c. 6. de juram. calum. An autem, & quando ad hoc requiratur consensus Capituli? vide Panorm. ad cap. 21. n. 8. & 9. de Rescript. & Honor. ad h. s. n. 3.

Illud

¶ 15. Illud hic in *disquisitionem* venit: num Procurator Procuratorem substituere possit? Affirmo de Procuratore extrajudiciali. c. 1. in fin. b. t. in 6. nisi dominus nominatum prohibuerit demandare; vel nisi ex verborum conceptione, aut negotii commissi qualitate intelligatur, electam esse personæ industriam. arg. c. 12. de *Officio Deleg.* in 6. quod toties videtur intelligi, quoties negotium commissum est valde arduum, ut est causa matrimonialis. c. fin. h. t. in 6. Nego de Procuratore judiciali nisi sit vel in rem suam datus; vel item jam contestatus, & ita dominus lictis effectus; vel potestas substituendi ei nominatum à principali concessa. d.c. 1. y. licet h. t. in 6. l. 23. C. eod.

¶ 16. Quares II. quinam Procuratores constitui possint? s. omnes mandati negotii exequendi capaces, nisi specialiter à jure prohibeantur. Prohibentur vero specialiter procurare in iudicio I. foemina: quia alienam defensionem suscipere munus virile est, nec sexui muliebri conveniens l. 18. C. h. t. Nisi vel in rem suam, vel in necessitate pro parentibus, liberis, aut deserto marito agere velint. l. 41. ff. Eod.

¶ 17. Minores 25. annis saltem de Jure Canonico, ut disertè habetur in c. 5. h. t. in 6. ibi: licet autem quis post 17. annum procurator ad negotia licite deputetur; adjudicia tamen, nisi major 25. annorum fuerit. deputari inequitatis. Et merito: tum ne propter beneficium restitutionis in integrum elusorium reddatur iudicium arg. l. 51. ff. h. t. tum quia, cum non habeant legitimam personam standi in iudicio l. 1. & 2. C. qui legit. person. &c. non consentitur idonei ad alienas lites peragendas. III. 18. Absolutè prohibentur milites, nisi agant in rem suam, aut nomine cohortis suæ; ne disciplina militaris sub umbra forensi diffundat. l. 7.

¶ 19 & 9. C. h. t. IV. non sunt admittendi potentiores, hoc est, qui favore, opibus & autoritate peritem adverlat antecedunt; ne ejusdem jura per potentiam Patronorum suppressantur. l. 1.

C. ne liceat potentiorib. Unde nec actiones in illos alienare licet. l. 2. C. Eod. nec fiscus, vel Resp. procuratorum suscipere potest. l. 3. & t. 1. C. ne fiscus vel Resp. V. excluduntur baniti, & rei criminis capitalis. l. C. h. t. sicut & excommunicati, nisi sint tolerati. c. 7. & *Judiciis VI.* Procuratores ad lites esse nequeunt notoriè infames. c. 4. de *Juram. calum* c. 1. & 2. causa 3. q. 2. Nec Officit s. fin. h. t. de *Except.* utpote, qui de infamia dubia est accipiendus, sensu s. cit. resultante hoc: quid si alicui Procuratori infamiae exceptio opponatur, eaque statim probari nequeat, quod ob id non debeat retardari processus, sed quod non attentâ illâ exceptione altioris indaginis, sit in lite ulterius procedendum; id quod etiam praxis præ primis in superioribus Dicasteriis servat, ut scil. semoveantur à procuratorio munere notoriè infames Gail. l. *Obser. 43.* n. 8. VII. Redemptores alienæ litis procurari non permittuntur in lite redempta. l. 25. C. h. t. Quæ tamen constitutio locum non habet, si emptum sit debitum liquidum: vel si actione litigiosa verè & re ipsâ donata sit; vel si creditor i nomen datum in solutum: vel si inter collegatarios, aut cohæredes cessio fiat in divisione hæreditatis; neque enim tunc propriè redemptio litis dicitur arg. l. 22. C. *Mandati.* VIII. Denique omnes prohibentur qui non habeant personam standi in iudicio, ut servus l. 33. ff. h. t. Religiosus sine Superioris licentiâ. Cl. 3. cod. &c.

§. IV.

Materia seu Objectum aliud est Procuratoris extra judicialis, aliud Procuratoris judicialis. *Objectum* Procuratoris extrajudicialis sunt negotia gerenda extra iudicium, vel certa, vel universa. l. 1. s. 1. ff. h. t. vel temporalia, vel spiritualia: nam etiam matrimonium per Procuratorem speciale ad id mandatum habentem contrahi posse, textus est in c. fin. h. t. in 6.

Objectum Procuratoris judicialis sunt causæ

in iudicio controversæ. Licet autem olim non nisi in certis causis per alium agere licuerit, pr. *Instit. de iis per quos agere poss.* hodie tamen in omni causa civili etiam famosa, v. g. injuriarum, & etiam criminali civiliter intentata, & amplius, etiam criminaliter intentata, per Procuratorem agere permisum est. l. I. §. 2. l. 42. §. 1. ff. b. t. Imò in causis famosis expedit temper per Procuratorem litigare, ut evitetur infamia juris, quam alias incurreti per sententiam in persona propria condemnatus: nam tali casu sententia ferri debet in procuratorem, proinde ipse principalis per sententiam infamis non fit, quippe non condemnatus; neque etiam Procurator, quippe non condemnatus ex facto & delicto proprio. l. I. ff. de his, qui non. infam. Excipitur causa criminalis, si poena infligenda relegationem excedat, in qua neque ex parte rei, neque ex parte accusatoris procurator admittitur. l. I. ff. an per alium causa appell. reddi poss. Non ex parte rei: ne judicium reddatur elusorium, si res forte aufugeret: & quia ex pallore vultus, consternatione, mutatione loquelæ, & similibus læpe probationes defumi possunt. Non ex parte accusatoris: quia ad inscriptionem, ac talionem sive paritatem supplicii tenebatur ex SCto Turpilliano. l. 7 ff. de Accus. hinc sublatâ hâc poenâ talionis in criminibus per Procuratorem proponi valet accusatio. *Con-*
cessatio crimin. Caroli V. a. 12.

§. V.

26 *Forma* consideratur in mandato, quo Procurator constituitur: ex eo namque apparet, quam potestatem habeat, & in quibus acta Procuratoris ratificet Principalis. Debet vero Procurator judicialis se à Domino constitutum docere, id est, procuratorium (uti vocant) proponere. Quod si liquidum sit, de rato cavere non tenetur. l. 65. ff. b. t. Si illiquidum, caveretur tenetur de rato. l. I. C. Eod. si nullum, repellitur à limine iudicij. c. I. b. t.
KÖNIG IN DECRET. LIB. I.

Sed hoc regulariter verum est: fallit siquidem I. in marito, qui sine ullo mandato procuratorio actiones uxoris in iudicio exercere potest, cum cautione tamen de rato: ne minimæ prosequendæ litis causâ in contumeliam matrimonialis pudoris irreverenter irruant. & conventibus virorum, vel judiciis interesse cogantur. Textus *in l. 21. C. b. t.* Fallit II. in aliis quoque personis conjunctis; quales sunt Parentes, liberi, fratres, consanguinei &c. quia & hæ absque mandato, cum cautione tamen de rato, pro se invicem agere possunt. l. 35. l. 41. ff. b. t. junctâ l. 12. C. Eod. Quod ipsis concessum videtur tum propter officium his personis invicem debitum, tum ob presumptam fidelitatem. Fallit III. in consortibus; qui pariter pro se invicem sine mandato procurare possunt in iudicio per text. *in l. 2. C. de Consortib. ejusd. lis.*

Disputant Canonistæ: an Clericus respectu sua Ecclesiæ dici possit persona conjuncta, & consequenter ad agendum pro sua Ecclesia sine mandato admittis debeat? Affirmat Glossa *in c. 1. b. t. arg. c. non liceat. causa l. 2. q. 2.* in quo omnibus Clericis datur potestas sine mandato reposcendi bona alienata à Prælato, & unâ cum fructibus ad Ecclesiam revocandi. Verum cum *Canon* ille tantum loquatur de revocatione male alienatorum, ideo alii cum Parvum normit. *Ibid.* rectius respondent, admitti quidem Clericum, sit ita causa exigat, ad procurandum, non tamen ut conjunctam personam sed cum legitimo mandato.

§. VI.

Finis, ob quem Procurator constituitur, est, 27 ut quia Domini rebus suis superesse nolunt, vel nequeunt, eorum negotia tum judicialia tum extra judicialia per alios idoneos expediantur, arg. l. I. §. usus. ff. b. t.

§. VII.

Effectus prourationis mandatæ, & suscep- 28 ptæ varii occurunt. *Primum* est, quod Pro-

cura-

eurator, qui suscepit item, aut negotium demandatum, & tractare incepit, etiam invitus absolvere & exequi cogatur, nisi iustissimā causā se excusare possit. l. 8. § fin. l. 35. §. fin. ff. b. t. l. 5. §. 1. l. 8. §. 6. ff. Mandati. Hinc

29 Secundus effectus est, quod Procurator judicialis teneatur à sententia interlocutoria appellare, eamque appellationem prosequi, cum tunc necdum substantia finita sit; à sententia definitiva autem non teneatur appellare, sed vel appellare, vel domino ante elapsum decendum sententiam latam denuntiare: alijs obligabitur Dōmino actione mandati ad interesse, licet appellationem prosequi non cogatur c. 14. & ibi Interpp. b. t. l. 17. C. Eod. nisi esset constitutus generaliter ad omnes causas, tam præsentes, quam futuras. Panorm. in d. c. 14. n. 13.

30 Tertius est, quod Procurator judicialis post litis contestationem fiat Dominus litis, & omnia agere bonâ fide possit, quæ Dominus facere posset, l. 22. & 23. C. b. t. Unde ipse ad omnes actus vocari debet, non Dominus. Mynsing. cent. 2. observ. 44. Ipse quoque sententiam excipit, saltem de Jure communi loquendo. l. 1. C. de sentent. & interlocut. Quamvis teste Gail. 1. observ. 11. n. 2. & 3. de consuetudine & praxi Cameræ sententiae non amplius in Procuratorem, sed in principali ferantur, exceptis causis famosis.

31 Quartus est, quod Procuratoris factū Domino prospicit & noceat l. 46. §. 4. ff. b. t. l. 10. C. Eod. quia ab eo gestum quasi à Domino gestum habetur, quatenus mandati fines non excessit, non etiam, si quid extra fines mandati gerat. l. 27. pr. l. 49. ff. b. t. & ibi Zoël. n. 18. & seq. quem vide.

32 Quintus denique effectus est actio mandati directa, & contraria, quæ ex obligatione inter Dominum & Procuratorem contractâ proficitur. Directa datur Domino mandanti, ejusque hæredi, contra Procuratorem & ejus

hæredem ad consequendū id, quod illis interest ratione mandati negotii, aut litis negligētæ, vel non exactissimè administrata. l. 13. & 21. C. Mandati. Contraria datur Procuratori & ejus hæredi contra Dominum, & ejus hæredem ad consequendū id, quod ex causa mandati bona fide præstigit, & impedit. l. 46. §. 5. & 6. ff. b. t. & ad resarcienda damnatio, vel culpâ etiam levissimâ mandantis dei. l. 61. ff. de furtis. junctâ l. 5. §. 2. ff. comodato.

TITULUS XXXIX,

De Syndico.

SUMMARIA.

1. Quid sit Syndicus?
2. Syndicus a quo constituitur. 3. Et quis, ac quid constitui possit?
4. In quibus causis, quomodo, & ob quem finis institutus abeat?
5. Que est potest, as Syndic?
6. Quomodo differat Syndicus a Procuratore, sive Administratore, & Oeconomo universitatis?
7. Qualiter finitatur officium Syndici, & an solida bas rebuscare possit?

Tertiō inter personas, quæ alienas causas suscipiunt, est Syndicus.

§. I.

Definitur Syndicus, quod sit Procurator qui communī mandato causas & lites Universitatis prosequitur, & administrat. Colliguntur ex l. 1. §. 1. ff. Quod cujusque universitatis.

§. II.

Causa efficiens est commune mandatum Universitatis, quo Syndicus constituitur. Intelligitur autem hic nomine Universitas omnis communitas unum moraliter corporis constituens, v. g. Civitas. Monasterium, Collegium Clericorum, Studiosorum, Civium, vel Opificum. Conlensus constituti non exigitur: quia officium Syndici est publicum, adeoque etiam invitatis imponi potest. arg. 1. ff. de Musarib. & honorib.